

246 Ūfem teppeche sach der degen wert
 ligen sîn harnasch unt zwei swert.
 daz eine der wirt im geben hiez,
 daz ander was von Gaheviez.
 5 Sus sprach er zim selben sân:
 »owê, durch waz ist diz getân?
 deiswâr, ich sol mich wâpen drîn.
 ich leit in slâfe alsölhen pîn,
 daz mir wachende arbeit
 10 noch hiute wênenec ist bereit.
 hât dirre wirt urluiges nôt,
 sô leist ich gern sîn gebot
 unt ir gebot mit triwen,
 diu disen mantel niwen
 15 mir lêch durch ir gûete.
 wan stüende ir gemüete,
 daz si dienst wolde nemen,
 des kunde mich durch si gezemen –
 unt doch niht durch ir minne,
 20 wan mîn wîp, diu kûneginne,
 ist an ir lîbe alse clâr
 oder vûrbaz, daz ist wâr.«
 Er tet, als er tuon sol:
 von vuoz ûf wâpende er sich wol
 25 durch strîtes antwurte.
 zwei swert er umbe gurte.
 zer tür ûz gienc der werde degen.
 dâ was sîn ors an die stegen
 geheftet. schilt und sper
 30 lent dâr bî: daz was sîn ger.

û. tepeche vant der d. w. *G

im der wirt *T

dô sp. *G (*T)

»awê (we G Owe L Z), war zuo (warunb I war vf Z) ist diz g.? *G

sl. solhen (ê solhen I) pîn, *G (*T)

n. h., wæn (watlich G) ich (wen ich noch hiut I), ist b. *G (*T) (ohne U)

si mîn d. *T

des (daz I) solte (wolte G) m. *G daz kunde m. *T

n. umbir m. *T (L)

ist an ir l. wol (om. G) als (so I O Z) cl. *G

Der (Er U [V]) tet, als man t. sol: *T

gein st. a. *G (*T)

gieng ûz *G (nur GI) (*T) (ohne V)

Nû was *T

*D: D *m: m Fr69 (246.7–10, 15–17 und 27–30) *G: G I O L Z *T: T U V

1 Initiale D O L Z · Majuskel T 5 Initiale T U V · Majuskel D 11 Initiale I · Majuskel T 23 Initiale L T U · Majuskel D 26 Majuskel T 28 Initiale G · Majuskel T

5 Sus] dô *m · zim] zuo dem *m (U) 10 noch hiute, wén (wem m) ich, ist bereit. *m 20 diu] de D